

難國王因兒婦得解四

阿質王從佛生信五

優填王請求治化方法六

優填王惑於女人射其正后失不能
傷七

檀那王國遭暴水蛇遠其城爲二比
丘所救八

國王酒獵間之修福九

國王臨死藏珠髻中十

有王遇伐不拒十一

國王試一智臣十二

驢首王食雪山藥草得作人頭十三

睡王殺睡左右十四

鏡面王欲起新殿一

過去伽尸國王以正法治人民安樂無諸患
難時王無子夫人忽然懷妊十月生兒見無有
眼鼻生得七日施設大會集諸羣臣相師道
士爲子立字時彼國法或因福相或因星宿

或因父母而立名字婆羅門問言王子身體
有何異相傍人答言今此王子其面正平都
無眼鼻婆羅門言應名鏡面以四乳母供給
抱養一人摩拭洗浴一人除棄不淨一人懷
抱一人乳哺此四乳母晝夜給侍譬如蓮華
日日增長至年長太父王命終即拜鏡面以
尊王位然此太子宿植德本雖生無目而有
天眼堪爲國王福德力大國中人民聞鏡面
太子爲王無不奇怪時有大臣便欲試之不
能得便遇王出勑勑諸羣臣更立新殿彌文
剋鏤種種彩畫大臣試王將一猴與著衣
服作革囊盛之擐其肩上將到王前巧匠已
至願王指授王知相試便說偈言

觀此衆生類 眇眇面皺瘤 跖蹠性輕躁
成事彼能壞 受分法如是 何能起宮殿
殘折華果樹 不中親近人 況能造宮殿
捉送歸野林 時鏡面王今即我也

出僧祇律第七卷

不梨先泥王請佛解夢二

不梨先泥王夜卧夢見十事一者夢見三瓶併兩邊瓶滿氣出相交往來不入中央空瓶中二者夢見馬口食屍亦食三者夢見小樹生華四者夢見小樹生果五者夢見一人索繩人後有羊羊主食繩六者夢見狐於金牀

上金器中食七者夢見大牛還從犢子飲乳八者夢見四牛從四面鳴來相趨欲鬪當合未合不知牛處九者夢見大波水中央濁四邊清十者夢見大谿水流正赤王寤大恐亡國及身即召公臣及諸道人曉解夢者問之一婆羅門答言皆非吉事當取所重愛夫太子及邊親近侍人奴婢皆殺以祠天玉有卧具及著身珍寶好物皆當燒以祠天能如是者玉身得無他王聞不樂夫人問王何故愁憂王言說昨夜夢見十事恐云國及身有婆羅門解夢皆非吉事夫人言王莫愁憂今佛近在精舍去國不遠何以不往問夢意

如佛所解王當隨之王即到佛所頭面札佛足具以白佛恐亡國土身及妻子願聞教誡佛言莫恐王夢者後世人當不畏法禁煙貪姦妬不知歟足少義無慈不知慙愧第一夢者豪貴自相追隨不顧貧賤第二夢者見馬兩頭食後世帝王及諸大臣稟食俸祿復採

舍九

三

万民不知歟足第三夢者小樹生華者後世人年未滿三十而頭生白髮貧姦多欲年少強老人弱第四夢者小樹生果者後世人年未滿十五便行嫁抱兒而歸不知慙愧第五夢者一人索繩人後有羊羊主食繩者後世人夫婿出行婦與他通食其財物第六夢者狐於金牀金器中食後世人下賤更尊貴有財產衆人敬畏之公侯子孫更貧賤處於下坐飲食在後第七夢者大牛還從小犢子飲乳者後世人無有禮義母爲女媒誘他男子與女交通以女求財以自饑給不知慙愧第八夢者四牛從四面鳴來相趨欲鬪當合未

合不知牛處者後出帝王長吏人民皆無至誠之心更相欺詐愚癡瞋恚不敬天地以用是故雨澤不時長吏人民請禱求雨天當四面起雲雷電有聲長吏人民咸言當雨須臾之間雲散雨去遂為不墮所以者何帝王長吏人民無有忠正仁慈第九夢者大波水中

央濁四邊清者後出中國當擾亂治行不平

人民不孝父母不敬長老邊國面當平清人

民和睦孝從二親第十夢者大谿水流正赤者後世諸國當忿諍興軍聚衆更相攻伐當作車兵步兵馬兵共鬪相殺傷不可稱數死者於路血流正赤王長跪白言得佛教誠心

即歡喜為佛作禮歸宮中重齋正夫人皆奪

諸大臣俸祿不復信諸異道婆羅門出國王
不黎先

泥
經

惡少王達塔散寇三

月支國有王名惡少王此天下莫不靡伏母教勑王曰設有臨死之難慎莫左旋佛寺當

念右旋慎莫違吾此教時惡少王大出兵眾攻純血城手自執劍殺三億人後戰不如乘象奔走顧視佛圖憶母教誠便迴象右旋敵國見之因各散伏王見賊退尋從進兵得其本城擒獲王身便憶佛語自歸佛者為尊為上無有及者設我不右旋者豈能壞此賊乎

舍九

四

難國王因兒婦得解四

舊出曜經第十六卷
雜譬喻略同矣

佛在舍衛國有難國王名分和檀大好道德日飯道士千餘人王自謂智慧無雙以鐵縛腹常恐智慧橫出而欲為子婚問羣臣曰天下有智如我者不若其有者我欲為子取其女也國內無有王遣使者求索他方到舍衛國問彼人民有佛使者言佛寧有女不答曰道人無有女也使者言次復有誰答曰阿難邠抵賢善好道有女第一使者言何用為第

一答曰曾與太子祇共諍園田持以上佛象負黃金數千万億不貪重寶但志為善使者

即往到阿難邠坻居所還以白王王即馳往見難國王身了無衣服裸形黑醜狀類如鬼阿難邠坻問言欲何求也王言聞君賢善好道有女第一故來爲子請求君女阿難邠坻呼前坐之云當啓佛具以白佛佛言與之阿難邠坻言怖殺我女佛言不也遂即與之女

名三摩竭當於難國度脫八万人阿難邠坻敢復問佛心實懷恨即歸謂難國王女當相與王即禮娉迎還其國太子夜往到三摩竭所三摩竭以脚蹠太子却于地如是四五日太子不敢復行王夫人問之何故不行太子默聲夫人即往到三摩竭所我爲子娶妻令

舍九

五

當承事我子何故折辱三摩竭言夫人太子及國中人形皆如狗與畜生無異夫人白王王智慧無雙遠求子婦無所畏難折辱我子復面罵我王聞之即往到三摩竭所三摩竭不出禮拜王言我遠要新婦面罵夫人復折辱我子可乎三摩竭言然王國中人民皆如

狗畜王即大驚曰我常恐智從腹橫出故以鐵縛之日飯道士千餘人誰能及我者而反見罵三摩竭曰男女長少裸形相向雖復修福猶可棄賤王詣師門具陳上事師曰更往復問之慎勿怒也王即還問汝國人民何用爲勝三摩竭曰我國男女皆有衣裳尊卑異位身不相見有大人名曰佛教化數千億万人皆令得道入火不燒入水不濡能典覽三千日月万二千天地知三世事身有三十二相八十種好道德通達諸天敬謁王言佛寧可見不三摩竭言遙請可致耳王言大善請當云何三摩竭言但自燒香王隨我後夫人太子皆隨我後三摩竭即上高臺請言難國王始聞如來名願佛明日受王飯食佛告目連勑諸比丘明日悉往難國三摩竭令王及夫人太子齋戒燒香布席施設食具供待千二百五十人三摩竭即與王夫人太子共住中庭今諸羅漢來當先到佛在後著慎莫驚

怖隨我所爲佛諸比丘各自變化舍利弗現作一雙白象目連化作師子諸大比丘各變其身種種示現形像皆悉不同從上來下難國人民大驚三摩竭前爲佛作禮王夫人太子皆出水火三摩竭前爲佛作禮王夫人太子皆亦作禮諸阿羅漢就坐大小相次三摩竭王

夫人太子次前行澡水下飯食具國中人民

怪王閉門大怒各持斧欲斫宮門佛言我皆欲使人作善即令宮壁化作水精內外相見人民即止不敢復斫時賓頭盧坐山忽失往難國以針刺地縷與衣相連即神足行至難國山便隨後國一女懷妊見山來恐墜怖即

舍力

六

墮身佛令目連問賓頭盧汝後是何等賓頭盧額視山擲還前馳八千里外佛言我教度脫汝今失期復殺一人人命之重我所不喜從今已後不得隨我飯食須弥勒佛出乃得般泥洹賓頭盧默然愁苦王白佛言寧可共捕道力不如者當投井中佛言大善三問不

聲聞果出檀王經
阿質王從佛生信五

時有國王名曰阿質其所治處周十万里人民熾盛王大勇猛不解於法侵伐隣國枉苦良善隣國皆苦之佛與大衆往到其國阿質聞之與三十二子身皆勇健惡心興兵合聚人衆數百万人當於大道迎欲拒佛佛語阿難阿質國王父子明日惡意向我及大衆汝等何以降之諸大士天人笑動天地佛問何笑阿難曰笑阿質王耳佛言阿質愚癡起是惡意使民獲罪已發大兵恃怙人馬之力正使滿四天下不能動我一毛況但數百万人

舍力

七

佛告阿難勑諸明士皆持鉢行明日當於阿質國王軍中取飯王父子兵馬大盛鬼神驚動當此之時佛身在前放光明從軍中度阿質國王鼓不復鳴弓弩不施刀兵不拔象馬顛倒步兵轉筋天地陰冥日月無光王及諸子皆迷惑失息頓伏而走佛大衆住皆取飯滿鉢前到王國城門自開佛前進王宮入殿而坐寂寢無聲八十一萬七千天人悉各就坐宮更廣大自然高座交露寶帳五音自奏王及諸子自相謂言王者之力不如道德之力也士衆驚怖諸王子言今聞佛入已在宮內宜還與佛相見王言復何面目與佛相見上慙鬼神下負人民諸子曰佛旣仁慈不傷人意王便收斂士衆安徐還宮與佛相見頭面著地爲佛作禮前謝佛言卑鄙闇陋少不學問不知禮義狼獸爲比愚癡迷惑違犯天人大聖不顧邊陲小國今枉世尊遠來鄙土君臣勃逆唯願天尊哀此無智旣已厚恩

教化人民王復以頭面著地叉手却住王三十二子公卿百官吏民皆悔過自責一心向佛王見八十一萬衆神人皆列坐師子之座交露帳中自然妓樂知佛神妙王勑後宮夫人婦女皆出禮佛王設百味之飯悉與夫人三十二子膝行澡水手自斟酌飯悉周遍上下恭肅一心歡喜食竟王前贊首白佛言蒙天中天恩宿福之厚先君之助得在黎民之上天尊大聖當哀我國人民乞戒終身奉行治民正平當以何法當與隣國爲盟去惡就善願佛留意佛言王侵伐非義非求長生安社稷者也王當恩信仁義慈孝貞潔寬柔忍辱布施育民覆蓋恕已凡行此事可長保社稷若無此九社稷難保王曰爲之如何願垂哀教佛言衆生可哀人命可惜國土珍寶不足恃怙王當愛惜人命當如父母哀其子也人民親王過於父母天下萬國皆可得保非但一國也王雖有數百萬衆車兵馬兵適可

以拒小敵耳我爲菩薩道時於樹下坐禪魔王與鬼神兵一億八千人皆變形作雜獸畜生身欲壞我心我以神力右手指案地而天地大動皆悉顛蹶不能復本形魔王降伏以王數百万人民之力何如鬼神億數之力王曰實以愚癡無所知故王即叩頭懺謝乞更

改勸佛言我以大慈念度十方一切人民皆使解脫早得佛道未度者度非但爲王父子王復悔責願佛哀我更受教誡終身奉行使國民安隱佛言王當寬刑罰除賦斂廣恩信給孤獨數赦囚窮者救之貧者饒之飢者飽之王若是者可保其終始王發道心謂左右傍臣取藏珍寶以上供尊佛況願畢悉以施王左右皆得饒富王三十二子自相謂言生爲無義之人死爲無義之鬼不如兄弟求作沙門皆言大善即俱詣佛具陳所懷佛知其意深入道慧天帝釋剃其頭鬚皆成沙門後宮夫人嫁女三千人公卿百官一切人民皆

受五戒月月六齋國致豐熟隣國聞之遙敬仰焉王自從是來治國寬仁盜賊無有男女相敬無相貪欲普悉和善王以七寶作大精舍國中人民俱行十善壽盡生天無入惡道者佛言我爲人求道但令度脫非天龍鬼神所能傾動也汝曹行道當應如我

舍九

出阿質國王經

憂填王請求治化方法六

時憂填王白佛言國王成就幾法世尊不以在世外敵競興未得修行而死入惡道佛曰十法云何爲十一者意不專一於諸事業二貪著揣食猶彼餓虎三貪著酒肉不理國事四喜懷瞋恚多諸愁憂五常習愚癡不受人諫六自任其力所爲能辦七常喜殺生陵易弱者八數遣兵革侵他國界九多有所說言無真要十不慈於人若成就此不义存世外敵競興若命終後趣三惡道惡聲遠布王言成就幾法久存於世外敵不興若命終後生天善處佛言十法义存於世外敵不興命終

後生天上善處云何爲十一者意不錯亂於諸行業皆悉平等除去非行親近善業二者王不貪著搏食以等命存分別戒品三不貪朱嗜酒見諸各過知出要爲樂四不慳貪喜行惠施觀諸行業五有智慧速解其義常修善除不善六不自恃力不自用意諸有沙門

婆羅門羣臣人民聰明黠慧者隨問其義皆爲顯說便隨教導七不暴虐殺害人民觀其事業便加刑罰八不數遣兵侵他國界常與

諸王共相和合九所說真要語不煩重察前人語然後說事十常懷慈悲於諸臣民常察國事成就十法久存於世外敵不興若身壞

命終生善處天上設命終後名稱遠布天人所傳以等法化勿以非理時王答曰等法化民身壞命終生善天上非法行者身壞命終趣三惡道惡聲遠布出增一
阿含
第三十九卷

優填王惑於女人射其正后矢不能傷七國人送美女上優填王王大欣悅拜女父爲

太傅爲女興宮妓樂千人以給侍之王正后師事如來得須陀洹道王後受譖前后以百箭射后后見不懼都不恚怒一心念佛慈意向王箭皆達后三匝還住王前百箭同余王惕然驚懼即駕白象金車馳詣佛所稽首佛足自陳曰吾有重咎在三尊所姪妖縱欲興舍九

邪於佛聖衆生毒惡心白衣弟子慈力乃余豈況如來乎我今首過歸命三寶唯願弘慈原赦我咎

出侵填
王經

十

檀那王國遭暴雨蛇遶其城爲二比丘所救八昔波桓提國其王号曰檀那國中當有暴雨水除之後忽有大蛇繞城一而頭向城門城中居民三億餘人歷日不得出或多飢餓者蛇亦無所瞋恚若有出者便當啖之舉國人民莫不恐怖時王國界山中有二道人清淨行道一名摩訶調一名沙訶調坐思念言蛇是含毒物今反繞城將危人命即時俱往化入其國與王相見王覩二道人言由我政化

不平故致此患舉國愁荒無復人心二道人即告王言今當方便爲王除之王及臣下皆叩頭守請言若蒙二道人恩此國人民便爲更生沙訶調即化爲大身蝦蔓摩訶調復化爲蟲奈從後追之蛇見蟲奈便驚走入深山蛇去之後人民獲安王及臣下即尋二道人到其所在叩頭辭謝言二道人近在於此我實愚癡不早承奉至有災患道人相救唯願道人還住於宮我等人民得展供養道人告言吾之爲道清淨無欲不樂供養王當檢身自率以道人民奉行正法可得終始獲安王即乞受五戒十善歸命三尊月月齋戒以爲常法自是之後國豐民寧四方襁負遂致太平沙訶調者佛身是摩訶調者即彌勒是王者即鳩摩迦葉是大蛇者即調達是出菩薩宿命經

中經
國王臨死藏珠髻中十
昔者國王有如意明珠藏於髻中夙夜珍愛王後薨亡國法先置田野令肉消盡乃收葬之其王形壞頭髻解散明珠出露時有征卒之妻名遮陀利行見珠持歸王家收葬忘失此珠太子傳位方悟求覓募得神珠封邑万户賜金千斤征卒之妻乃賣應命即便封邑王戴珠首上出譬喻第七卷

昔有國王喜飲酒射獵還便燃燈燒香投槃國王酒獵間之修福九

有王遇伐不拒十一

有隣國王興兵伐其敵國敵國諸臣啓其王曰某國興兵今已逼近願王自備共相攻擊王語諸臣曰此是閑事何必須吾賊攻城門諸臣啓王賊今在外王告諸臣賊雖在外不足遠慮但自營私何慮公務時賊暴虐轉前入城左右啓曰賊已入城王告諸臣此事微細何足上聞隣國大王轉進至殷諸臣啓曰隣國之王今已上殿不審聖尊有何思慮其王告曰我今處世變易不停興者必衰會合有離難可常保更改形容如乞士法摩何自退往適深山思惟道德可以自娛設此暴王欲害我身不辭其慘所以然者云國失土皆

舍六

由一人我今受死万民無患豈不於我大有幸乎彼敵國之王歎未曾有舉聲喝曰善哉大王自古迄今未有斯比我雖得勝未如王也開懷大道不顧世榮自今以往還大王國與王訖化共相接待共爲親厚

出菩薩藏經下卷

國王試一智臣十二

昔有國王選擇一國明智之人以爲輔臣余時國王設權方便無量之慧選得一人聰明博達其志弘雅威而不暴名德具足王欲試之故加重罪盛滿鉢油使擎二十里行墮一滴者誅不須啓羣臣行之觀者填道譬如水定而風吹之其水波揚心不安隱其人心念

吾今定死設能擎鉢使油不墮到彼國者乃得活耳唯念油鉢安行徐步時諸臣兵父母宗親國人悉集隨而觀之又逢大醉象奔走入道暴鳴孝吼譬如雷聲蹈殺道中象馬牛羊猪犢之屬碎諸車乘星散狼藉人見恐怖東西馳走如風吹雲又人射之而擎鉢人初不省象來亦不覺象去城中失火燒諸宮殿又諸蚊蜂放毒齧人官兵滅火又五色雲起天大雷震亂風吹地塵沙瓦礫填塞王路拔樹折枝落諸華實掣電霹靂孔雀皆鳴天諸災雹雖有此變其人都不覺聞擎滿鉢油得至彼國不墮一滴王乃歡喜立爲大臣

出修行觀

經意

驢首王食雪山藥草得作人頭十三
昔有國王人身驢首佛語國王雪山有藥名
曰上味王往食之可復人頭王往雪山擇藥
噉之遂頭不改王還白佛何乃妄語佛白王
言莫揀藥草自復人頭王復到山山中生者
皆自除病不復揀擇噉一口草即復人頭

雜出

經警中喻

不眠王殺睡左右十四

昔有國王晝夜不寐其邊直者若睡便殺前

後殺四百九十九人有一長者子當應入直

其家啼哭送之有一年少間何故啼哭以實

答之卿能崔我我能代卿長者大喜與金千

兩便代入直王曰汝何以入曰我代長者子

直王曰汝慎勿眠我當殺汝時年少睡王欲

殺之間何以睡曰不睡我思事耳王曰何所

思曰作一升器受二升物盛一升沙復受一

升水王試實尔復睡翻地王復欲殺曰思事

耳曰何所思曰作一丈坑還持土填不滿八
尺王復使人作之審尔復睡伏地王復欲殺
問汝何以復睡曰我思事耳王赦我罪我當
說之王言便說年少言王正似鬼語竟便去
王思此人何以呼我作鬼便啓問母母言汝
實是鬼也我懷汝時夜夢見鬼與我共會便
有汝耳王便遂寤改不殺人悔過爲善遂便
學道尔時王者我身是也四百九十九人者
今五百上首弟子是年少覺寤我者文殊師
利是出譬喻經第五卷

經律異相卷第二十九

十四末

舍九

冠反苦候乳哺下音步剗鑊上音刻漏皺媚上音褶
反宍睞失染反視反輕躁下音到尻口刀反跔躡女瘦
下二字正音發那抵下音發反走跳兒音吉齋力代反禮娉也反不濡下音畢
反勃逆濕也作斧音甫擒道上音角謂之弓弩不濡下朱
反盟音明繭上音蒲手伏下蒲而行古行乃反行

顛蹶上正作躊躇下音厥
黠慧上開八辟也
啖徒敢反食也
云弘兄呼也
列反昌探土也
由似嗜音視
譖側禁反
襁負上居兩兒於背也
蚊蜂貝小兒爲之也
齧結反
噉魚結反
却反魚
暴虐下音他
惕然上復悚然
鳴食之薨

經律異相卷第三十

舍十

梁沙門寶唱等譯

諸國王夫人部

一阿育王夫人受八歲沙彌化一

王后生肉棄水遂生二子爲毗舍離人種二

拘藍尼國王后悟法三

末利夫人持齋四

優達那王妻學道生天五

國王大夫人與一賢者共王造寺六

阿育王夫人受八歲沙彌化一

昔阿育王未解佛法造諸地獄入者必治酷

以衆毒後得信心因棄諸非奉事正覺人民疾疫王斷內外不得相通畏病及宮中遣信白聖衆乞遙呪願可遣一比丘入宮達覲使天下安疾病銷除衆僧可之願以見告時聖衆遣一沙彌其年八歲名曰妙顏已得羅漢神通具足飛到王宮見夫人采女宣語所之并顯道德知佛至尊況弟子乎妙顏受教飛入王宮住王后前王后作禮舉手欲抱言妙顏子何能自屈顯其神足妙顏謂夫人曰且却且却不宜身近沙門夫人答曰卿年幼小方始八歲心相戀念猶如吾子雖身近之當何所苦沙彌答曰近情喻之如夫人教情從微起猶粟之火能燒万里之野譬指滴之水陷穿玉石亦能盈器事皆以漸以少致多以小成大是以智者遠嫌避疑以防未然沙彌夫人因相難往來言聲遂高聲徹正殿王問傍人是誰語聲如有所諍傍臣答曰沙彌妙顏適至宮中與正后語音聲高亮乃聞於此